


Michael Cobabus

**Programma Quo Rector Universitatis Rostochiensis Michael Cobabus, S.S.  
Theol. Doct. & Prof. ad exequias, & sepulturam Quam Adolescenti, Studioso Th.  
... Hinrico Herberdingio, Rostochiensi. Maestissima Mater Hodierna die, ad horam  
primam paratam cupit, Academiae Cives amanter, & officiose invitat**

Rostochii: Kilius, [1675]

<http://purl.uni-rostock.de/rosdok/ppn77123435X>

Druck Freier  Zugang



Cobabus, M.,  
in H. Herberding.

Rost. 1675.

40.







53.  
Programma,

Quo  
RECTOR

UNIVERSITATIS ROSTOCHIENSIS

MICHAEL COBABUS,

S.S. Theol. Doct. & Prof.

ad exequias, & sepulturam,

Quam

*Adolescenti, Studioso Th. pio,*

*Ornatissimo.*



HINRICO  
HERBERDINGIO,

Rostochiensi.

MÆTISSIMA MATER

Hodiernâ die, ad horam primam  
paratam cupit,

Academiæ Cives amanter, &  
officiosè invitat.

---

ROSTOCHII,

Typis JOHANNIS KILII, Acad. Typogr.



**N**ondum, CIVES  
ACADEMICI, u-  
nius mensis intervallum  
ex eo tempore elapsum  
est, quo HENRICUS  
HERBERDINGIUS, SS,  
Theolog. diligens Cul-  
tor, homo pius, probus, & ingenuus, eâ, quâ par-  
erat,, modestiâ, â nobis petebat, ut in Ordini-  
nem Civium Academicorum cooptaretur, &  
seriò, sancteque pollicebatur, quòd legibus  
Academicis, in quarum sedula observatione  
nostra consistit libertas, sicut ingenium Stu-  
diosum deceat, obsequi, illudque Spiritus  
Sancti gratiâ diligenter agere vellet, ut,  
quam affectabat eruditionis metam, in hâc  
Academia contingeret, & assequeretur. Ho-  
diè publicè significatur, ipsum adhuc in flore  
adolescentiæ constitutum, Naturæ debito per-  
soluto, è vita viventium exivisse, ejusque cor-

pus

pus animâ suâ destitutum inferendum esse in  
eum locum, qui commune est mortuorum re-  
cepraculum. Adeò non ambulant eandem  
viam, consilia, & instituta hominum, ac vo-  
luntas Dei, cui magis libitum fuit, ipsum in  
coelestem Academiam transferre, quàm in  
Iqualore & discrimine hujus vitæ diutius relin-  
quere. Enimvero ita omninò res habet: Om-  
nibus, qui mortali vita fruuntur, inevitabilis  
lex & necessitas posita est, emigrandi ex hâc  
vitâ. Quemadmodum enim omnes sine  
ulla exceptione, manifestari oportet coram  
supremo iudice, ita omnibus statutum est mo-  
ri. Omnes naturæ nostræ incolumitatem,  
primi hominis prævaricatione amisimus, inde  
tracta mortalitas, indequæ multiplex corporis,  
ac animæ corruptio, tota quæ hâc mortalis vita  
nihil aliud est, quàm continua ad mortem via.  
Quis enim vir vivit, ait *Propheta*, & non videbit  
mortem? Mors est via universæ carnis, & testa-  
mentum cum homine initum. Nemo autem  
mortalium scire potest, quo die, & quâ horâ  
ex hac mortalitate sit discessurus. Quid enim  
incertius, ait *S. Bernhardus*, horâ mortis inve-  
nitur? Non miseretur mors inopiæ, non reve-  
retur divitias, non Sapientiæ, non moribus,  
non ætati denique parcit, nisi quod Senibus  
mors



est in januis, juvenibus verò in infidiis: Piiis quidem, Verbi Divini meditatione delectantibus, à Deo promissa est vitæ longævitas; multi verò præmatura morte abrepti ex hujus mundi ergastulo evocantur, ne ipsorum mens à seculi hujus perversitate pervertatur: neque ipsi malis futuris tristissime involvantur. Nam Deus, ait *Hieronymus*, in Scripturis promittens bona temporalia, præsentia & carnalia, si ea non præstat, dat pro eis longè meliora, scilicet spiritalia, celestia, & æterna. Quod jam expertus est noster piè defunctus, qui adhuc in ætatis flore positus, Deo sic volente à curis, molestiis, & laboribus ad requiem, à mœrore ad gaudium, à certamine ad victoriam, ex colluvie impiorum ad cœtum Sanctorum est translatus, & gloriæ celestis particeps factus. Cœterum natus est in hac urbe à Parentibus piis & honestis 4. Jan. circa horam 7. matutinam Anno 1654. Patre Reverendo, & Clarissimo Dno. M. JOHANNÉ HERBERDINGO, Ecclesiaste ad templum Spiritus Sancti, & S. Crucis meritissimo, qui jam ante aliquot annos satis cessit. Matre lectissima, & piâ matronâ MARGARETA Tarnouen / Filii sui præmaturam mortem lacrymis acerbè lugente. Aviam Paternam agnovit Virum optimæ vitæ & famæ JUSTUM HERBERDING olim Cerevisiarum  
rium

rium & Mercatorem Lubecz. Aviam Paternam  
Matronam piam MARGARETAM Etsefen. A-  
vus Maternus ipsi erat Vir Plurimum-Rereren-  
dus Dominus JOHANNES TANOVIUS, The-  
ologus solidè eruditus, & Th. D. & Prof. eeber-  
rimus. Avia Materna, Matrona honestissima,  
DOROTHEA Reuters. Quod autem omnes  
Christiani Parentes diligenter solent, & debent  
observare, ut infantes suos teneros CHRISTO  
Mundi Servatori offerant, atque consecrent, il-  
lud nostro HENRICO etiam præstitum est,  
quem mox à Natalitiis, postquam lucem hanc  
aspexit, in sacro sanctum Christi foedus per la-  
vacrum Regenerationis admissum optimi Pa-  
rentes curarunt. Sicut igitur ipsum Ecclesiæ ma-  
tris albo inscribi petierunt; ita à primâ æta-  
te probè & piè educarunt. Adulter factus  
rudimenta literaturæ à privatis Præceptoribus  
didicit, erat enim illi mens discendi cupida,  
quam obrem postea, volente & iudicante utroq;  
Parente ad Scholam Güstroviensem, Doctrinæ  
ulterius acquirendæ gratiâ ablegatus est. Inde  
missus est Griphiswaldiam: Dehinc Sleswigam  
in Holsatiam: Postmodum matris aliorumquè  
amicorum consilio Sundium in Pomeraniam, ut  
majores ibidem progressus in Studiis faceret,  
commigravit. Morbi genus, quod ipsum occu-  
pavit, & morti occasionem præbuit, ejusq;  
ante-

anteambulo, Vir Experientissimus, Dn. PAULUS  
JOACHIMUS STOCKMANNUS, Med. D. celeberrimus  
ita descriptum nobis tradidit: *Morbus*, inquit,  
*quo Juvenile corpus correptum, Febris fuit ardens*  
*continua eum gravissimis Symptomatibus, qua tanto*  
*concurfu & malignitate agrotantem concusserunt, ut*  
*cum nulla medicamentorum virtutes pares essent Be-*  
*atus noster d. XX. Decembr. inter adstantium preces*  
*piè placidèq; expiravit, defunctiq; anima ad ater-*  
*nantem cœli vitam abiverit.* Hujus morbi acerb-  
tatem noster beatus Dei auxilio fretus patienter  
sustinuit, sequè Divinæ voluntati conformem,  
subjectamquè ostendit. Cum autem Medici  
diligenti curâ nulla in terris medicina debellan-  
do vitæ hosti inveniretur, & propterea mortem  
is sibi imminere animadverteret; non tantùm  
ipse in vera Dei agnitione, & nominis Christi ar-  
denti invocatione animam suam tristem è ver-  
bo Dei, Spiritus Sancti gratiâ, indefinenter ere-  
xit, sed etiam Viri Reverendi atque Doctissimi  
Domini M. MICHAELIS WAGENERI, Verbi Divini,  
ad Ædem D. Jacobi & S. Crucis, accessu, & allo-  
quio salutari usus est, quippe qui decumbenti  
fidelem operam præstitit. Ab hoc noster piè  
defunctus S.S. corporis & sanguinis CHRISTI  
fruitione donatus die vigesimo Decembris in-  
ter horam tertiam & quartam pomeridianam,  
victo-

victricā spiritali reportatā, animam suam emi-  
fit. Quantum dolorem defuncti mater, Ma-  
tronapia, & honesta, quia filium suum Carissi-  
mum, curarum suarum dulce levamen, inspera-  
tō è vita deturbatum esse, videt, non est ut pro-  
lixè hoc loco referamus. Membrum enim sci-  
mus non avelli sine magno dolore, omnemquē  
piam matrem sobolem suam optare salvam,  
incolumem, & superstitem. Fecerat ea sibi pro-  
lixam & bonam spem de hoc suo Filio; quantō  
igitur majorem matri peperit lætitiā filius  
suā obedientiā & amore filiali, tantō acerbiorē  
luctu, ea afficitur. Verum enim vero sicuti  
omnia sunt hominum tenui pendentia filo; ita  
oportebit, matrem mœrore plenam humanā  
humaniter ferre, & cogitare, filium jam sub-  
tractum esse infinitis fortunæ casibus, quibus  
volvitur humanæ vitæ fragilitas. Non ita is  
fecit divortium, ut non aliquando contociari  
possint; Sed statu multo feliciori, & optabiliori  
nunc fruitur, quem nos vehementi desiderio  
expectamus: Quod ipsum detergere debebat  
piæ matri omnem mœrorem & tristitiā.  
Quod superest, Patres, & Cives Academici no-  
strum erit, non luctum luctui addere, sed il-  
lud agere sedulo, ut eum vel muximè lenia-  
mus,

mus, quod fiet, si exequias funerales præsentia  
nostrâ conspectiores; & auctiores fecerimus.  
Nostri ordinis fuit Adolescens, & optimi Pa-  
rentis Filius. Debemus quoque hoc officium  
piæ matri, cujus Parens de hæc Academicâ præ-  
clarè est meritus. Debemus hoc ejus toti fa-  
milix. Adeste igitur frequentes vestrà specta-  
bili præsentia, & funus hodiernum ad sepul-  
chralem tumulam comitatu vestro deducite,  
insimulque mortalitatis vestræ memores tum  
vestram ipsorum vitam, tum Academicæ, Ur-  
bis, ac Regionis, totiusque Germaniæ salu-  
tem inter tantos bellorum tumultus, or-  
bem Christianum miserimè concutientes,  
Deo clementissimo commendate. Adeste  
ad horam primam in templo  
Jacobzo.

P. P. sub Sigillo Academicæ Anno  
millesimo sexcentesimo septuagesimi-  
mo quinto, die vigesimo nono  
Decembris.











victoriã spiritali reportatã, anima  
fit. Quantum dolorem defuncti  
tronapia, & honesta, quia filium suum,  
curarum suarum dulce levamen  
tò è vita deturbatum esse, videri, no-  
lixè hoc loco referamus. Membru-  
mus non avelli sine magno dolore,  
piam matrem sobolem suam opta-  
incolumem, & superstitem. Fecera-  
lixam & bonam spem de hoc suo Fi-  
igitur majorem matri peperit læ-  
sua obedientiã & amore filiali, tantum  
luctu, ea afficitur. Verumenim-  
omnia sunt hominum tenui penden-  
oportebit, matrem mœrore plena  
humaniter ferre, & cogitare, filium  
tractum esse infinitis fortunæ casibus  
volvitur humanæ vitæ fragilitas.  
fecit divortium, ut non aliquando  
possint; Sed statim multò feliciori, &  
nunc fruitur, quem nos vehementer  
expectamus: Quod ipsum deterge-  
piæ matri omnem mœrorem &  
Quod superest, Patres, & Cives Ac-  
strum erit, non luctum luctui ad-  
lud agere sedulò, ut eum vel mu-

